

docst 文川网
入驻商家 文川网
在文川网搜到古籍书城 获取更... 电子书

中國方志叢書·華北地方·第二三二號

據清·程維雍修白遇道纂
清·光緒十年刊本
影印

陝西 省

高陵縣續志



54.35/03

成文出版社有限公司印行



中華民國五十八年 月壹一版

高陵縣續志

全一冊

發行人：黃 成 助

台北郵政信箱二二六〇五號
出版者：成文出版社有限公司

台北郵政信箱二二六〇五號
台北市羅斯福路三段279之二號
電話：三七〇一三二號

印刷者：東南印製廠有限公司
和平路二段70巷83弄29號

內政部登記證內版台業字第一一四七號

高陵縣續志

docsriver 文川网
入驻商家 古籍书城

在文川网搜索古籍书城 获取更多电子书

光緒十年甲
申正月開雕

高陵縣續志序

明呂文簡公涇野先生高陵志
為吾秦十名志之一然則後之
為高陵志者豈易言續哉明萬
厯間有續國朝雍正間有續
吾不知其視涇野志為何如涇

野志成於嘉靖辛丑越三百餘
年至光緒辛巳而邑太史白子
悟齋復續焉悟齋之續志知其
難也故例目一遵涇野之舊惟
無歷數述而多綴錄此其少異
於涇野者夫志凡以為民也吾

觀悟齋之志矣地理詳水利所以達民情建置謹修舉所以恤民力祠廟絀異端所以正民心戶租嚴經界所以憫民窮禮儀明典制所以易民俗官師人物科貢寔墓紀善政闡潛德著節

烈徵才藝表流風餘韻所以示
民則興民行而綴錄一篇則又昭
炯戒資考覽亦無非敬民事而
通民志雖悟齋自謂不敢與涇
野比論然其心固於涇野無異
也即今所就禪補教化傳信後

世斯亦足以續涇野志矣。管范醇夫作唐鑑，用伊川先生之說於中宗每歲書帝在房州。伊川見之，乃曰：不謂醇夫相信如此。余不逮伊川萬一，而悟齋此志，間采拙論義法，謬入其中，殆如

醇夫之於伊川余滋愧矣抑余
更有說者涇野初舉於鄉即創
志草及及第為太史志成更歷
三十餘年而後出悟齋以太史
丁艱歸逾年辭不獲已乃續斯
志未及歲而歲事為時已迫矧

年久無徵又經兵燹之餘即偶
未詳備亦勢無可如何而吾謂
悟齋所以續涇野者當更有在
涇野遺書具存蒞官風徽皆本
於生平甘貧改過之旨求仁取
善之心悟齋行將還朝益以涇

野為師使人謂高陵今日復有
續涇野其人者志特一端而已
况斯志成并刻涇野舊志邑人
士又適刻涇野內篇則是涇野
之學邑人亦將有續之者且大
為高陵之光抑不止為高陵之

光要皆自悟齋高陵之續志始
豈不懿哉光緒甲申長至後二
日三原賀瑞麟復齋甫序

序

目

高陵縣續志序

前明時吾秦中有十名志而呂文簡公高陵志尤為推重一時傳之數百年歷久彌新蓋公紹洙泗之傳學稟程朱而文抗韓曾故當時非特中國之人咸欽山斗即外夷之震公名者亦嘗乞賜其文為本國式文名之盛

亦炫赫一時哉至其纂修邑志也本
才學識作史之三長約之於彈丸一
邑之中固游刃有餘寬綽自得如僚
之於丸庖丁之奏刀無施而不可耳
宜其字重國門言為世則也顧文極
盛矣繼之者實難自公之修後閱今
三百餘年矣未聞有踵公之志而繼

docsriver 文川网
入驻商家 古籍书城

在文川网搜索古籍书城 获取更多电子书

起者非以才學識之自愧弗如思蹈
續貂之譏乎或曰雍正間邑人樊子
愚不嘗增修乎非繼公之志者乎余
曰否一樊之志余亦寓目焉其文渙
而未謹嚴蕪而未修潔且混同前志
為一書與體制亦弗安也與取去亦
弗當也魚目燕石祇自貽誚烏足與

公之志並論哉曰然則自公之修闕
今數百年其間風會習俗之轉移陵
谷滄桑之變遷與夫政治之時盛時
衰民物之或盈或絀以及名宦鄉賢
之實蹟忠孝節烈之異行俱可聽其
湮沒而弗紀乎亦豈公之所望於後
來之賢者乎余曰非是之謂也邑之

志不可本增修公之志不可僭擬不
可混一也子雲著太元而擬易文中
子以中混擬淪語後世猶譏其妄矧
才學不及二子而顧可僭擬前賢乎
若夫混而一之則又不免於凌躡雜
糅之弊所謂言之無文行而不遠烏
能傳之永久以為一邑信志乎白生

悟齋固文簡公同里後學也東髮後
即從余游貧而立志艱苦勵學同治
甲戌登進士入詞館每慨士多汨沒
於帖括標榜之習甚正濟顯衡文叩
以經史或博然而弗辨語及正學或
詫聞而駭聽故生自讀書東觀以來
即探索典墳窮年矻々手不釋卷刻

屬益甚於曩時亦可謂潛修好學無
忝乎與公同里而繼起且無慙乎與
公同官太史而列於後進之科也光
緒庚辰主講其邑書院乃仿范氏後
漢書之例輯為續志蓋仍文簡之舊
而註明增益之不獵前賢之美不參
偏私之見舉雍正壬子以後迄光緒

唐辰以前采擇補綴窮晷窮膏期年
而遂告成雖按之呂公之志屢々未
必合撰文與抗而工力悉敵而以樊
氏之志與之較孰長孰絀世有知言
之君子當自辨之余未敢阿好以壯
諛也生更勛之哉今乙酉鄉闈典試
山左方且為

朝廷儲有用之才異日者纂修

國史闡微顯幽表忠勸實宏其著作
以激揚天下將見聲名洋溢中外傳
知鉅製鴻文播頌蠻貊不與文簡公
後失輝映哉余老矣逐々風塵舊學
久蕪敝生之志自愧罕有以發明生
恆以文簡公之所以為志者而自志

焉是則余之厚望也夫

光緒十四年歲在戊子初夏五品銜

內閣中書舍人前知西華縣事調

任滑縣丙子己卯河南鄉試

官丙午科優貢辛亥恩科

臨潼楊彥修子經甫序於青門舊

居之學達觀齋



重脩高陵縣志序

高陵隸古雍州地當井鬼之次名儒
碩彥代生其中自涇野呂子創
志乘歷明季迄

國朝雍正十年踵有增益後遂無聞
焉其間政治風俗之沿革興夫人



文物產之興衰率斁輒無可考
而憾事也光緒己卯余來承乏
讀舊志漫漶特甚思有以新之
並蒐訪遺聞別為續志以備一
邑掌故顧當兵燹災祲之後閩
閩彫瘵絃誦闕如按集招來日

不暇給蓋不惟秉筆之難其人也
越明年時和歲豐士民復業適
上臺檄取縣志邑太史悟齋白君
方奉諱里居余既造廬請悟齋
乃愧焉任之辱不以俗吏見素往返
商確擇精語詳十一閱月而成書

條目體例一仍涇野子之舊文
簡而賅事信而有激推衍增益
而不踰其範其必傳也諗矣抑
余聞之人以地傳地亦以人傳論
者謂秦多名志如康對山之於
武功韓五泉之於朝邑王漢陂

docsriver 文川网
入驻商家 古籍书城

在文川网搜索古籍书城 获取更多电子书

之於鄠喬三石之於耀與涇野
子之志高凌皆名重一時為讀
志者所莫能外天下郡縣不知
凡幾其圖所載一二名勝險要之
區有以供游覽而資攷證恆足介
士大夫之曷類其在通都大邑無

事物可紀一過而輒忘其名者曷
可勝道若武功若朝邑若郿若
耀乃曰若人之書之存並其地亦
彰、人口耳間非其驗歟高陵去
省治不百里風教所趨甲於他邑士
苟有志讀其鄉先生之書因文以